

longinquis locis, ab artibus, ab Ecclesiæ primatibus, atq; illis omnibus, quorum commendationem signum domus nonæ habuerit.

Cum ad decimam, beneficia principum speranda, lucrum artium, & professionis, & functionis.

Cum ad undecimam, bonum ab amicis expectandum. Tunc lucrosæ erunt negociationes, foeliciter pecunia tunc mutuo dabitur. Hoc optimum est tempus petendæ debitæ pecuniæ, aut meriti beneficij à principibus.

Cum uerò ad duodecimam peruenerit profectio, proderunt captiui, & mala facinora, equi, boues, asini, & huiusmodi animalia, Sed tamen ferè aliquid de fortunis minuitur ut, ut clam, maximè si Saturnus, uel palàm Mars hanc domum in genesi possederint, aut signi illius domini fuerint nati subducantur.

De stellarum dominantium signis partis fortunæ & secundæ domus decretis.



VM Saturno cesserit dominium profectiois annuæ partis fortunæ, uel secundæ domus, & cum profectio hæc fortunatum locum tenuerit, aut in secundas Saturni configurationes inciderit, promittuntur tum possessionum augmenta, hæreditates, thesauri, metalla, foecundum so- lum & agriculturæ opes. Sed eadem profectio in loco infortunato, aut

Saturni coniunctione, eiusdem uel opposita, uel quadrata configuratione, significat auiditatē, & solitudinē in augenda re, facitq; illiberales, parcosq; nec tamen cū successu, aut enim facultates non augebunt, aut si auxerint, aliqua calamitate amittent.

Iupiter harum profectiois dominator, cumq; hæc in fortunata loca ceciderint, aut ad Iouem accesserint, uel cum illo configuratæ fuerint, bona facultatesq; au- gent munificentia Regum & principum, ac nobilium, promittuntq; omnium rerum profectus, potissimum autem à primatibus ecclesiæ beneficia. Sed si profectioes hæc forte inciderint in loca infortunata, tunc uel bonum ipsum ostensum non tribuitur, aut etiam damnum fit & dispendium, incuria, aut mercaturæ incommodis, aut etiam prodigalitate, & temerarijs impensis, amittitur aut minuitur.

Vbi Mars dominium sortitus fuerit harum profectiois, ipsæq; fortunatis in locis, aut cum configurationibus secundis illius repertæ fuerint, decernitur fortuna belli & pugnarum, principatus ordinum militarium, lucrum armorum, equorum, & rutilantium ac bellicarum rerum, nec non Chemiæ, & quicquid igne elaboratur. Sed cum hæc profectioes uel infortunata in loca, uel in coniunctionem Martis, ad uersas uel configurationes illius incurrerint, contraria omnia sentientur, tum & damna dabuntur natis à flammis, prædonibus, furibus, mendacibus, hostibus, & occasio- nibus alijs Martialibus.

Cum Sol dominus fuerit harum profectiois, cumq; illæ fuerint fortunatis in domibus, aut ad secundas peruenerint Solis configurationes, significat regia be- neficia, & facultatum incrementa, benignitate principum, promittit & auri metal- lum, & successum in Chemia, & operibus omnibus quæ ad ignem fiunt. Sed cum inciderint in loca infortunata, aut peruenerint ad Solis coniunctionem oppositam uel aut quadratam configurationem, tum uerò à regibus & principibus malum & uis natis afferetur, eripienturq; bona, ac facultates minuentur, Chemia spem omnem frustrabitur, neq; omnium operum quicquam utiliter ad ignem fiet.

Veneris cum fuerit harum profectiois dominium, cumq; ipsæ ceciderint in figura natiuitatis foeliciter, aut ad coniunctionem configurationes uel Veneris per- uene-

uene-